

水志

縣本山國川流清淺舟楫之利少灌溉之利多每當霪雨積旬山洪暴發輒虞汜濫惟兩岸多山被災有限且非常有也水道之載於水經注一統志及湖南通志者多不可據水經詳北畧南語多漏畧一統志湖南通志採擷古籍未加抉擇語多牴牾舊縣志併水道於疆域內拉雜鋪叙鉅細失次源委不明閱者茫然今第弗深考依水經例大水爲經小水爲緯分別紀載首黃岑水以縣治所在也次章水次武水次長樂水次漁溪水次平和水以北流入湘之策水黃溪水殿焉陂堰塘壩井泉溫泉併附表於後史志所載有資考證者胥附錄焉作水志

宜章縣志

第四卷

水志

一

黃岑水

白水

浯水

廖家水

玉溪水

蕉溪水

黃岑水源出縣治西十五里黃岑嶺之仰天湖湖在山巔地寬平可百畝水出其中泉勢噴薄分流東下溉田數千畝至縣西广田百子橋有白水浯水廖家水自西來注之

白水在縣治西五里寶雲山左水自懸崖流下將雨則白若匹練晴則閃爍如虹蜺白水垂虹爲縣八景之一 浯水出寶雲山在縣西七里又名寶雲水 廖家水在縣治西十里瀑布數條自高山下注日光映射宛若長虹東流會浯水寶雲水及南來各山泉入黃岑水

又東南流經縣城南金漁洲過三星橋又名玉溪水

南門外有小沙洲狹而長謂之金魚洲三星橋南水中有白石故被玉溪之名玉溪春漲爲縣八景之一平石小舟駛行至此止

又東流納城東城南諸泉水

蒙泉在城東一里水出蒙巖下其右一泉微小名友泉又名濯纓泉枕流泉明大司徒鄧庠東溪草堂遺址在其前二泉合流納虹橋北來泉水又納四方井左右泉水入黃岑水蒙洞泉香爲縣八景之一 亨泉出城南一里艮巖泉自巖腹湧出深不可測東流二里入黃岑水艮巖龍隱爲縣八景之一 潢溪水出縣治西五里蜡樹坪大井頭南流過樟涵潢

又南流至清水江入乳源境有蕉溪水自西來注

蕉溪水源出黃岑嶺南麓石門山東南流經南灣蕉溪兩江口吳家村小塘等處入乳源縣境注黃岑水

### 宜章縣志

### 第四卷

水志

二

溪灣經南關東入黃岑水

又東南流過小瀧經樂昌縣坪石市亦名谷溪廣東輿圖作口廣下流即七姑流至七姑灘輿地紀勝所謂三沌也合武水長樂水漁

溪等水入瀧又謂之瀧河瀧音雙舊作龍河下注珠江入於南海

章水 小章水 饒溪水 高融水 九羊水 高龍水

章水在縣治東三十里一統志及湖南通志作漳水源出黃岑嶺東北麓郴境黃茅大山納山泉甚多流過仙人掌入縣境大

水洞

又東過摺嶺市南有章靈厂泉自北來注

泉出摺嶺市東半里許湧出地中灌田數十畝性甘冷土人患疫多飲此水而愈云

又南流二里過章橋東有小章水自西來注

水出均背洞梨山下大如車輪溪中產文石紅白相間可琢爲文房器具水東流并納左右山泉一里許入章水

又南流一里過鶴壽山東麓

粵漢鐵道於此跨溪架橋水南流一里有太平壩引水成渠溉大平里以南田數千畝其委至源溪村北入章水自此以

宜章縣志

第四卷

水志

三

上溪中多麻石琢作白質堅耐杵

又東南二里至饒田有饒溪水自北來注

饒溪水源出郴境五蓋山西麓流經郴境兩灣洞南流至鐵山里三伏三見穴山出至饒田村北上潭與東潭水合流繞

饒田村前半里許入章水 東潭水一名笏泉源出平和伏

□地中十餘里見於饒田村北水大如車輪清光緒九年秋暮水涸三四日復出水溢兩岸

又南流三里至周家灣納西來兩泉水

西岸有船廠廟從前坪石小船駛行至此止後以有礙車壩禁之傳通行至下流曰右渡

又南流半里至澚口東岸平地有六一泉來注

泉出澚口歐陽氏村前故名流數十步入章水

又南流二里至雷公水有潮泉自西來注

水出鹿背嶺東山腰石穴春夏每日晨午晚三潮大如車輪  
水色渾濁逾時卽竭海潮應月晝夜兩潮此水獨殊且出山  
半尤可異也水流山下地名雷公水又納一小泉東流入章  
水

又南流二里東岸有寒水冲水來注

寒水冲水出山下漑田數十畝夏秋間鄉人壅水取魚卽返  
流入穴汨汨有聲蓋口內別有穴旁洩也

### 宜章縣志

### 第四卷

水志

四

又南流半里有寒水泉自東來注

水出東岸寒水村後亂石澗中漑田百餘畝

又南流一里有龍泉水自東來注

水出東岸鄧家灣村後山下石穴高廣五六尺如龍張口齧  
顎宛然水出其中甘冷異常大旱不竭

又南流二里至小溪村東有高融水自西來會

高融水源出縣北二十里高融山流極湍急東流過坦山龍  
鬚坪左右受山泉頗多流至上株有靛山裏泉水流經隆武  
坪楊彥塘來注又東流過分水均有西嶺泉水流經上石口  
應山廟來注又南流至御杜廟有長潭壠裡泉水流經分水

均盧家橋來注又有絆牛塘泉水流經新田裡涼棚下來注  
又流至四板橋有葉山裡泉水流經涼繖洞及上下兩玉羊  
冲黃瓜壠沙坪廟裏來注又東流至騎驢塘有棟上泉水流  
經蔣家灣沙坪裡新屋裡來注又東流至鐵坑納四水其一  
青溪山泉水東流經留軍洞老龍窟裏新龍窟裏及和氣田  
來注其一寶寨冲泉水北流經沿江龍龜廟來注其一沿江  
上洞泉水北流經石墳腳井水腳龍龜廟來注其一螺螂晒  
眼泉水南流經樓梯嶺栗山坂沙子嶺過大章家塾側來  
注四水既合流東駛過碑記下兩山夾峙東經粵漢鐵道鐵  
橋又東過小溪市石鞏橋又一里許東入章水東岸有小水

## 宜章縣志

### 第四卷

水志

五

村北龍角井泉水南流經盧家西逕石頭塘來注

又南流三里至菖蒲塘

西岸田中有溫泉水淺亦可浴

又一里至甕口有九羊水自東來會

九羊水源出粵境樂昌縣之桃坪西流入縣境五里許至九  
羊又北流至香花樹又東流過富里坪有吳溪水來注源出  
楊梅山北又至王家壩北流至溪下有觀音巖水來注山巔  
即仙厂山下石壁峭立大石堆疊水出其下頗巨其左一泉  
畧小其右半里許有一泉頗巨源出平地噌吰鏗鞳之聲自  
地中出悠揚可聽行人率駐足傾耳水東流半里許三泉合

流過溪下入九羊水又一里至金盆厂有金蓮水自北來注  
水出金蓮庵前山下流頗巨可轉田車南流半里入九羊水  
又西流三里至弔樓下有水津頭水自南來注水出山上流  
甚小又二里至弔鐘嶺左岸有大溫泉池方廣丈水深三四  
尺浴之可愈瘡疥又西流過甕口與章水會

又二里西流至箭竹冲水至此形曲如鈎凡上流漂泊之物至  
此而止又南流至山背卽舊志所謂撞排頭相傳自此以上禁  
止木排通過故名  
又三里至官田有高龍橋水自東來注

高龍橋水出茶園後山流至海冲有山溪水來注又納銅鑼  
井水至高龍橋入章水

### 宜章縣志

#### 第四卷

水志

六

又三里至官渡有大石橋爲東幹路孔道又西流過新車五里  
至白石渡江邊納冷水冲天鵝塘桃李灣諸山泉北岸舊有鹽  
埠坪石小舟行駛止此鹽埠今廢又六里入粵境以至坪石市  
白沙水口西會黃岑水武水長樂水又十五里至羅家渡會縣  
東漁溪水入瀧

武水

清白水  
龍村水

上爻水  
箭猪冲水

巖門水  
竹溪水

秀溪水  
康水

開山水  
洛水

溱水在縣治西四十里出臨武縣西山水經謂之桐柏山海  
經謂之肆水今有泗溪市泗蓋肆之異文也水東流納貝溪秀  
溪二水又東流至魚尾田武水自西來會由是溱水之名以隱  
人第知武水矣武水有四源均在臨武境自與溱水合流至牛

頭汾始可通舟十里許至白石廟有清白水自水東來注又二里入縣境羊頭坪過龜爻有上爻水自西南來注

清白水嘉禾縣志謂之深水淋源出桂陽縣東流至縣界入武水 上爻水出上源頭過鎖石又三里過龜爻入武水

又五里至芙蓉橋有巖門水自西南來注

水出巖門口二里許至船篙嶺畔流至芙蓉橋入武水

又七里許至泗溪市可通小船有秀溪水自北來注

秀溪水卽洪水江水其源有二一出郴縣安源一出安源村東馬羶坪二水合流於嘉禾縣境之斗水坪下橫冲東入縣境之洪水江四里至官田又二里至老墟上又二里許過串

### 宜章縣志

### 第五卷

水志

七

布又二里至楊家洞羅家門又二里至泗溪市注武水

又半里至清水墩有開山水自北來注

開山水名麻田小江其源有三一出晏家村嶺背卽黃岑之西麓一出猺山過鴉鵲墩一出開山寺後山過温塘南蛇灣三水合流於麻田上洞流經寺門麻田歐家灣至清水墩入

武水

又十二里至梅田墟有龍村水自東來注

龍村水源有二其一出龍村之里基田過劉家半里入雙江口其一出荷葉塘之矮嶺上名毛頭庵水過史家寮出鵝形嘴合成家寮水三里過上寮門口又半里許會雙江口合流

二里出小水口入武水

又一里至樟樹下有竹溪水自南來注

竹溪水天旱則涸源出母老流經樟樹下村右入武水

又三里至栗坪墟有康水自南來注

康水有二源其一石虎山東流之水曰漿水源出芍陂泉泉在石虎山之西由鑿棗灣入澗形如委帶經接龍橋瀑布而下澗中逕金雞巖下會瓊漿泉水漿水村名以此又東流一里繞靈應侯廟下過崇德橋橋爲赴石虎山廟通衢又東流一里逕大豐洞有虎跑泉自北來注泉由老虎門流經羊頭澗入康水又東一里逕雙澗口有漿水村隱龍泉水自西

## 宜章縣志

### 第五卷

水志

八

北來注隱龍泉由達山屏流長洞有龍泉祠祀漿水村土神水環流漿水村經章嶺下出雙澗口俗呼雙江口會漿水蜿蜒田藍門又東流一里逕水口有楊柳寨高泉園二泉水自西北來注楊柳寨泉由寨下出古井闊數丈深不可測常有人溺於井清乾隆時居民以松木填井上覆以沙今泉較昔時減四分之三流經烏鳳頭逕板栗樹下會高泉園水高泉園水由莊居後高山出故名流逕北營祠前祠祀北營指揮神爲武陵侯當日之指揮也又會楊柳寨水東流繞廣靈山下山有廣陵祠祀從武陵侯殉難陳球黃東李滄三將素著靈異一里至水口會漿水唐咸通元年懿宗命傅輔護送武



陵候喪回籍既至未匝月使臣病卒塋界背冲人形嶺於此  
建誥封祠祀之又屈折東流四里逕黃泥坳至橋頭洞入康  
水 其一石虎山西流之水自長沙嶺至崆梧洞會高澗水  
水出長塘繞高澗村逕崆梧洞二水合流西向折而北逕康  
湖洞凡石虎山西流諸水畢滙於斯康水之名以此水上有  
祠祀康湖神康水又北流一里逕滴水灘險等三峽瀑布  
數百丈傾銀注玉最爲奇觀春雷既鳴游魚衝瀑奮鬣而上  
灘下一巖中有大潭一淵深不測潭中多魚味極美釣者潛  
入踞半壁石磯投餌魚結隊出引竿卽得忌聞人聲聞則逝  
矣又北流一里逕帶下嶺納犀牛塘水水自寮佳坪流經良

宜章縣志

第五卷

水志

九

尾洞洞中巨石稜稜水伏流三里復出於犀牛塘相傳巖中  
有神物每歲春出秋入出入必有雷雨風雹隨之士人於電  
光中見其形如馬鱗甲燦爛見卽屏息避匿如驚呼則風雨  
益厲雹大如卵林木皆拔矣犀牛塘四時煙霧不散云有蚪  
龍潛焉久旱水紅如血必大雨久雨水紅如血必驟晴土人  
率以水色占晴雨焉又東流二里逕橫冲洞羊峽山坳頭祠  
下有南冲水自北來注南冲水自猗毛冲流逕水車冲繞南  
冲村東流羊峽山坳頭祠下祠祀武陵侯姪女黃貞姑貞姑  
字李氏未嫁壻天守貞以終故祠祀之又東流一里逕石紫  
塘有温塘坳俎豆峯水自北來注山下有俎豆祠峯因以名

祠祀二神曰傅筠曰蔡駐皆從武陵侯歿於王事者又東流一里逕雙澗口有寺背冲水及龜形嶺水自南來注寺背冲龍井泉由架笕田出和睦里龜形嶺水由白蜡冲出和睦里二水合流一里逕雙澗口入康水又東流一里逕羅家洞有珠泉自北來注珠泉上有法教祠祀丫修神清道光咸豐同治間歲屢旱泉無一勺土人具衣冠備牲醴祭井並祭丫修神禮畢泉卽從井底涌出如是者十餘次其異如此水由廟前流新田洞繞羅城出羅家洞入康水又東流四里逕神車潭過鎖門口納神車潭水潭深莫測兩奇石對峙蹲踞澗中故名鎖門石又東流二里逕金華峯下橋頭洞會芍陂漿水

## 宜章縣志

### 第五卷

水志

十

又東流五里逕栗坪墟又納烏梨均左界之水入武水

又二里至巖口有箭猪冲水自東南來注

箭猪冲水源出東嶺行六里許逕巖口入武水

又六里至岑水村有洛水及溫泉水來注

洛水有二源一出洛閣鄧姓村後高玉嶺下流繞村西八里許至岑水村入武水一出黃沙南京洞一甲南流經洛角入高玉嶺水 溫泉水出大塘面一里許至溫塘又二里至小塘又五里至十八灣經岑水村入武水

又南流入乳源縣境經三溪武陽司等處至樂昌縣境會黃岑長樂二水入粵

長樂水 東山橋水 聖公壇水 中洞水 何家冲水 東溪水 容水 朱水

長樂水在縣治西南一百里正源出莽山思仁均東受秤架一水西受龍潭一水南流復分爲二派東受小黃家一水復合流又分爲二派其西一派中分復合與東一派復合流又受玉燭峯一水過涼橋至倉脚又分爲二派其東一派中分過金船廟廟祀女神所謂太廟也又東受東山橋水源有二一出蕨子坪一出崖子石均石坑壩西出之水至東山橋合流其下縱橫貫注東受黃坭冲一水 源出壩西 受深渡水 源出饒州 過長灘西受埂子山北之亞又冰北阻馬嶺山脉折而西流復北流經笠頭洞少東至石龜橋萬安寺橋有中洞水南冲水東溪水容水次第

宜章縣志

第五卷

水志

十一

來注

中洞水源出楊家經五指山南中洞及上下走馬坵太平山何家西南鄉公所又北流至楊桐江會林家牌水其水源出糍粑嶺西過林家牌廖家永福局段家出太平山至山口出天竺寺至楊桐江元壁入長樂水南冲水源出糍粑嶺之西五里至金花井經滿堂張家二里至書院壩又七里至三區之泮田又三里至萬安寺入長樂水東溪水源出碕石村太陽仙下經黃泥田過東溪行十餘里名小水口并納烏梨坵右界之水入長樂水其水出石庫山流經山上李家出下曹河約六里

容水有源無委原名窮水宋時縣令趙興綸改今名源出九都黃沙溪東流經黃沙堡城漑田數千畝又合堡城東北朱水瀉入磬湖水聲琤琮若磬故名或曰不然磬磬古字通謂水磬於此也水伏流地中南見於石龜入長樂水

朱水源出象牙山經章鑾大黃家至堡城北東過校場坪合容水入湖

長樂水又東過和尚冲石頭寨受天塘水又至小水口受東溪水又流經千家岸水北岸大曹家斜碑橋水潮坪及第四區鎮北鄉公所繞第五區香口洞之西南東三面至沈江受聖公壇水至竹渚受大井頭水至沙溪受何家冲水

## 宜章縣志

### 第五卷

水志

十二

天塘水源出壩山西流經賴子山塘背山等處至天塘板橋又六里至第三區之石頭寨入長樂水 東溪水已見前聖公壇水源出后壇諸山五里至雙江口有楠木冲水自南來注源出道洞諸山又五里至橋頭有桐梓園水自南來注源出樟山諸嶺又三里至桐木灣又三里逕白沙墟有牛頭山水來注又有綠源水源出高寮上芭蕉冲一帶過才口冲其上天生石橋橫鎖溪流下開一竇高園三丈水出其中流逕蜡園背會牛頭山水流逕對江水出白沙墟過鄧家橋至車田約一里東有鄺家水在竹江村來會西北有壩山西出之水由仁洞出官坵至芭籬堡城過黃土嶺至竹江廟來注

又一里至峙冲又三里過白堆五鞏橋至十三戶經湯湖裏有栗源馬頭廟支水來注自五鞏橋以下溪流灣環成九曲至沉江入長樂水大井頭水源出大冲塘流經壕口大井頭歷譚家楊家排樓與龍頭江井水合流又歷羅家周家毛坪頭廖家洞過車田至竹渚入長樂水何家冲水源出第四區東鄉何家冲流經樓子下及蕉兜至仙人擔石水伏流地中里許出栗源之斜塘東北流經磔下胡家姚家至沙溪入長樂水其上流原受二水一關溪水流經龍頭等處一源頭洞水流經余家莊等處

又東過栗源堡城南有遼水自東南來注

### 宜章縣志

#### 第五卷

水志

十三

遼水又名魚安河在縣西南一百里源出小崖子石絕頂有池寬可百畝池內石筍羅列崢嶸分峙八方土人謂之八仙石水深不測九派分流莽山洞東山河及遼水皆源於此遼水東流經容家洞東入乳源縣境歷樓下及田心橋再受梅花等處山水復折入縣境第五區過艮口市田寮裏栗山裏長田洞甘棠灣等處至栗源堡城南入長樂水  
長樂水又東南流入乳源縣境七姑灘至宜章水口會黃岑水武水入粵樂昌縣境

漁溪水

江厚嶺水

長漣山水

犀牛湖水

清頭江水

漁溪水一統志謂之盧溪漁盧音近積久而訛也源出寶蓋山

西南流經笠頭嘴至合門口會榔境水出崙足嶺鳳凰山之間其流湍急多瀑布至昇平洞始紆徐安流有江厚溪水東自雕玉山來滙又流至塘水廟有長漣溪水北自峩崗崎來注又流至高溪頭有犀牛江水東自雕玉山經均嶺來注折而西過井壁仙有清頭江水自寶峯仙來注復折而南至赤石東會黃甲洞之溪流西合九子嶺之澗泉又折而西南經下漣曹田等處曲折而流過豐田至里田有百步嶺谿水自東來注楊梅山谿水自西來注合流至曲尺漣西江峴峴一作徧始總稱曰漁溪流經縣境凡四十餘里南流至廣東樂昌境田頭水始可舟又南流過羅渡司會縣境西南各水入瀧 赤石司龍王廟後有

## 宜章縣志

### 第五卷

水志

十四

泉湖深廣數丈水從山下湧出流入漁溪

#### 平和水

平和水在縣東五十里源出榔境五蓋山之南麓會瑤嶺南出之水及寶峯仙楓樹均諸山泉南流入平和洞地寬平漑上下兩洞田各三千八百畝田極膏腴四面阻山水注東南山下石穴穴口甚隘水洩不暢下洞較上洞低盈丈每逢霖雨下洞即成澤國同治間縣令麻維緒募工鑿而廣之水患以稀水穴山南出見於數里外之法官厂厂如永巷高數丈廣逾丈云有虬龍窟其中天旱鄉人率禱雨於此近年建廟以祀水神水西流再伏再見潛流地中凡章水以東九羊水以北各山泉皆源於

此又南出曹田溉田三十餘頃舊志以縣城東蒙泉爲平和水  
伏流但山脈不相聯屬且中隔章水未能徵實云

策水

鴨跡水

銀河水

玉溪水

策水在縣治東九十里源出寶蓋山之北麓南流入江厚鄉之  
平鄉經河陽橋漁冲壠有鴨跡水自西南來注折而東瀉出雕  
玉山瑶岡仙兩山間復折而南有銀河水自瑶岡仙馬坵來注  
玉溪水自雕玉山來注直貫長策老灣村中又東流數里入汝  
城縣屬文明鄉之車田橫江二都西合黃溪至宣溪東北流入  
耒水北注湘水滙於洞庭湖

黃溪水

長濂水  
瓦王仙水

嚴水

雙水源

黃土塘水

### 宜章縣志

### 第五卷

水志

十五

黃溪水在縣東八十里源出雕玉山東麓南流經上里黃澤西  
合龍溪名長濂水流出栗溪頭有嚴水北自雕玉山來注曲折  
至上渡有雙水源南自百步嶺來注折而東至塔下山南合黃  
土塘溪流折而東北經馬口上桃樹下有瓦王仙山谿水自南  
來注總稱之曰黃溪流經汝城縣境良田北合策水入於耒水  
其流經境內長凡二十餘里

### 水利表

縣境各水引溉農田或障以陂堰或導以溝渠或吸以筒車高  
亢田則專恃山塘或恃龍骨車取水以故雖旱無害舊志疆域  
門附陂堰塘壩其數陂八堰八塘十三壩十八而方向錯雜叙

述漏畧茲就方向遠近次第之列表如左

名別地	別引溉水名	溉田畝數	附記
白石陂	章水		
太平壩	章水	千餘畝	原名瀧壩地在太平墟北
荷葉塘			
西冲塘		數十畝	面積十餘畝
馬附塘		數十畝	
土橋塘		同前	
廓廊塘		同前	
自成塘		數百畝	塘面積十餘畝深數丈
宜章縣志	水志	十六	
第五卷			
大塘下		百畝	同前
陳家塘		數十畝	同前
曹田壩		五百餘畝	
萬壽壩		四百餘畝	
張家壩		三百餘畝	
杜家門壩		二百餘畝	
井碧壩		千餘畝	源出縣柳來陽洞
陽陂壩		六百餘畝	
銅鐘壩		數百畝	
鄧家壩		同前	







陽	宜章縣志	母老塘	泗溪	下洞壩	瀾頭陂	燕潭陂	天臺堰	容水堰	黃獺堰	石門堰	斑虎塘堰
陂	第五卷	縣西五十里	縣西四十里	縣西三十五里	縣西六里	縣西三里	同	同	同	同	黃沙堡城南
縣北六十里	水志表		泗溪	樟樹下			前同	前同	前同	前同	容水流域
		數百畝	四百餘畝	五百餘畝			前	前	前	前	三百餘畝
	十九	舊一名梅溪大塘									以下五千餘畝堰溉田

按蓄水曰陂壅水爲埭曰堰壩卽堰也築土遏水曰塘縣人以掘地蓄水爲塘名目雖殊工程有廣狹大小之異皆爲漑田計也舊志有陽陂在縣北採訪稿以爲在縣東未能斷定又泉水塘有二茲並照錄

井泉

縣境多山居民仰汲山泉處處有之不可勝紀且多已見水志無庸複叙惟城內各井皆係掘地出泉茲錄舊志列表如左

井泉表

名別地 別附 記